

頻伽大藏經

九洲圖書出版社

頻伽大藏經第四十六冊目錄

○大智度論續前……

四六・一

- 釋幻學品第十一(四六・一) 釋句義品第十二(四六・七) 釋摩訶薩品第十三(四六・一二) 釋斷見品第十四(四六・一五) 釋大莊嚴品第十五(四六・一七) 釋乘乘品第十六(四六・二三) 釋無縛無脫品第十七(四六・二四) 釋摩訶衍品第十八(四六・二九) 釋四念處品第十九(四六・四五) 釋發趣品第二十(四六・五六) 釋出到品第二十一(四六・七二) 釋勝出品第二十二(四六・七六) 釋舍受品第二十三(四六・七九) 釋會宗品第二十四(四六・八八) 釋十無品第二十五(四六・八九) 釋無生三觀品第二十六(四六・九八) 釋天王品第二十七(四六・一〇八) 釋幻人聽法品第二十八(四六・一一八) 釋散華品第二十九(四六・一二二) 釋願視品第三十(四六・一三一) 釋減淨品第三十一(四六・一三七) 釋大明品第三十二(四六・一四二) 釋述成品第三十三(四六・一四八) 釋勸持品第三十四(四六・一五〇) 釋梵志品第三十五(四六・一五三) 釋阿難稱譽品第三十六(四六・一五五) 釋舍利品第三十七(四六・一六一) 釋校量法施品第三十八(四六・一七一) 釋隨喜品第三十九(四六・一八一) 釋照明品第四十(四六・一九五) 釋信謗品第四十一(四六・二〇二) 釋嘆淨品第四十二(四六・二一二) 釋無作實相品第四十三(四六・二一八) 釋諸波羅蜜品第四十四(四六・二三一) 釋嘆信行品第四十五(四六・二三七) 釋魔事品第四十六(四六・二五四) 釋兩不和合品第四十七(四六・二六一) 釋佛

母品第四十八(四六・二六九) 釋問相品第四十九(四六・二七八) 釋大事起品第五十(四六・二八六) 釋譬喻品第五十一(四六・二九〇) 釋知識品第五十二(四六・二九三) 釋趣智品第五十三(四六・二九九) 釋大如品第五十四(四六・三〇一) 釋阿鞞跋致品第五十五(四六・三一三) 釋轉不退輪品第五十六(四六・三二一) 釋燈炷品第五十七(四六・三二九) 釋夢中入三昧品第五十八(四六・三四一) 釋恒伽提婆品第五十九(四六・三四七) 釋學空不證品第六十(四六・三四八) 釋夢誓品第六十一(四六・三五三) 釋同學品第六十二(四六・三六五) 釋等學品第六十三(四六・三六八) 釋願樂品第六十四(四六・三七四) 釋稱揚品第六十五(四六・三八〇) 釋囑累品第六十六(四六・三八七) 釋無盡品第六十七(四六・三九四) 釋六度相攝品第六十八(四六・三九八) 釋大方便品第六十九(四六・四一三) 釋三慧品第七十(四六・四二八) 釋道樹品第七十一(四六・四四四) 釋菩薩行品第七十二(四六・四四九) 釋種善根品第七十三(四六・四五三) 釋遍學品第七十四(四六・四五五) 釋次第學品第七十五(四六・四六五) 釋一念具萬行品第七十六(四六・四七四) 釋六喻品第七十七(四六・四八二) 釋四攝品第七十八(四六・四八六) 釋善達品第七十九(四六・五〇二) 釋實際品第八十(四六・五一〇) 釋照明品第八十一(四六・五二一) 釋淨佛國土品第八十二(四六・五三〇) 釋必定品第八十三(四六・五四二) 釋四諦品第八十四(四六・五五一) 釋七譬品第八十五(四六・五六) 釋平等品第八十六(四六・五六〇) 釋如化品第八十七(四六・五六七) 釋薩陀波侖品第八十八(四六・五七一) 釋曇無竭品第八十九(四六・五九三) 釋囑累品第九十(四六・六〇七)

○金剛般若論

二卷 無著菩薩造 隋達磨笈多譯

四六・六一三

卷上(四六・六一三) 卷下(四六・六二〇)

○能斷金剛般若波羅蜜多經論頌

一卷 彌勒菩薩說 唐義淨譯

四六・六五四

○金剛般若波羅蜜經論

三卷 彌勒菩薩說 天親菩薩釋 元魏菩提流支譯

四六・六五六

卷上(四六・六五六) 卷中(四六・六六五) 卷下(四六・六七六)

○能斷金剛般若波羅蜜多經論釋

三卷 彌勒菩薩說 世親菩薩釋 唐義淨譯

四六・六八六

卷上(四六・六八六) 卷中(四六・六九二) 卷下(四六・七〇〇)

○附略明般若末後一頌贊述

唐義淨撰

四六・七〇六

○金剛般若波羅蜜經破取著不壞假名論

二卷 功德施菩薩造 唐地婆訶羅等譯

四六・七〇九

卷上(四六・七〇九) 卷下(四六・七一八)

○妙法蓮華經優波提舍

二卷 婆藪盤豆菩薩造 後魏菩提留支共曇林等譯

四六・七二六

卷上(四六・七二六) 卷下(四六・七三四)

○妙法蓮華經論優波提舍

一卷 婆藪盤豆菩薩造 元魏勒那摩提共僧朗等譯

四六・七四二

○涅槃經論

一卷 婆藪盤豆菩薩造 元魏達磨菩提譯

四六・七五五

○涅槃經本有今無偈論

一卷 天親菩薩造 陳真諦譯

四六・七六一

○遺教經論

一卷 天親菩薩造 陳真諦譯

四六・七六四

印度大乘諸論釋

○瑜伽師地論釋

一卷

彌勒菩薩本

最勝子等諸菩薩釋

唐玄奘譯

.....

四六・七八一

○攝大乘論釋

十卷

無著菩薩本

世親菩薩釋

唐玄奘譯

.....

四六・七八九

總標綱要分第一(四六・七九一) 所知依分第二(四六・七九六)

大智度論釋幻人無作品第十一 卷第四 十四

龍樹菩薩造

後秦龜茲國鳩摩羅什奉 詔譯

圖爾時慧命須菩提白佛言。世尊。若當有人問言。幻人學般若波羅蜜。當得薩婆若。不。幻人學禪波羅蜜。毗梨耶波羅蜜。羅提波羅蜜。尸羅波羅蜜。檀波羅蜜。學四念處。乃至十八不共法。及一切種智。得薩婆若。不。我當云何答。佛告須菩提。我還問汝。隨汝意答。我須菩提。於汝意云何。色與幻有異。不受想行識。與幻有異。不。須菩提言。不也。世尊。佛言。於汝意云何。眼與幻有異。不。乃至意與幻有異。不。色。乃至法與幻有異。不。眼界。乃至意識界。與幻有異。不。眼觸。乃至意觸。眼觸因緣。生受。乃至意觸因緣。生受。與幻有異。不。須菩提言。不也。世尊。於汝意云何。四念處。與幻有異。不。乃至八聖道。分與幻有異。不也。世尊。於汝意云何。空無相不作。與幻有異。不也。世尊。須菩提。於汝意云何。檀波羅蜜。與幻有異。不。乃至十八不共法。與幻有異。不也。世尊。須菩提。於汝意云何。阿耨多羅三藐三菩提。與幻有異。不也。世尊。何以故。色不異幻。幻不異色。色卽是幻。幻卽是色。世尊。受想行識。不異幻。幻不異受想行識。卽是幻。幻卽是識。世尊。眼不異幻。幻不異眼。眼卽是幻。幻卽是眼。眼觸因緣。生受。乃至意觸因緣。生受。亦如是。世尊。四念處。不異幻。幻不異四念處。四念處。卽是幻。幻卽是四念處。乃至阿耨多羅三藐三菩提。不異幻。幻不異阿耨多羅三藐三菩提。阿耨多羅三藐三菩提。卽是幻。幻卽是阿耨多羅三藐三菩提。佛告須菩提。於汝意云何。幻有垢。有淨。不也。世尊。須菩提。於汝意云何。幻有生。有滅。不也。世尊。若法不生不滅。是法能學般若波羅蜜。當得薩婆若。不也。世尊。於汝意云何。五受陰。假名是菩薩。不如是世尊。於汝意云何。五受陰。假名有生。滅。垢。淨。不也。世尊。於汝意云何。若法但有名字。非身。非身業。非口。非口業。非意。非意業。不生不滅。不垢不淨。如是法能學般若波羅蜜。得薩婆若。不也。世尊。菩薩摩訶薩。若能如是學般若波羅蜜。當得薩婆若。以無所得。故須菩提。白佛言。世尊。菩薩摩訶薩。應如是學般若波羅蜜。得阿耨多羅三藐三菩提。如幻人學。何以故。世尊。當知五陰。卽是幻人。幻人卽是五陰。佛告須菩提。於汝意云何。是五陰學般若波羅蜜。當得薩婆若。不也。世尊。何以故。是五陰性。無所有。無所有性。亦不可得。佛告須菩提。於汝意云何。如夢五陰學般若波

羅蜜當得薩婆若不也世尊何以故夢性無所有無所有性亦不可得於汝意云何如響如影如焰如化五衆學般
若波羅蜜當得薩婆若不也世尊何以故響影焰化性無所有無所有性亦不可得六情亦如是世尊識即是六情
六情即是五衆是法皆內空故不可得乃至無法有法空故不可得圖問曰須菩提何以故以是事問佛若人問幻
人學般若波羅蜜得作佛不應答言不得幻人虛誑無有本末是事易答何以故問佛答曰上品佛答舍利弗甚深空
義須菩提作是念諸法一相無分別若爾者幻人及實菩薩無異而菩薩行諸功德得作佛幻人無實但誑人眼不能
作佛問曰幻人不能行功德以無心識云何言行答曰雖實不行人見似行故名爲行如幻人以飲食財物七寶布施
出家持戒忍辱精進坐禪說法等無智人謂是爲行不知是幻須菩提作是念若如佛說諸法一相無所有但是虛誑
幻人及實菩薩乃至佛等無有異如幻人亦幻作佛行六波羅蜜降魔兵坐道場成佛道放光明說法度人實菩薩行
實道得作佛度衆生有何差別佛言我還問汝隨汝意答我問曰佛何以不直答而還問令隨意答答曰須菩提以空
智慧觀三界五衆皆空心生厭離諸煩惱習故雖能總相知諸佛法空猶有所貴不能觀佛法如幻無所有以是故方
喻說如汝以五衆空爲證諸佛法亦爾汝觀世間五衆爲空我觀佛法亦爾是故問須菩提於汝意云何色與幻有異
不幻與色有異不乃至受想行識亦如是若異者汝應問若不異不應作是問須菩提言不異問曰若色不異幻可爾
幻人有色故云何言受想行識如幻不異答曰幻人有喜樂憂苦相無智人見謂爲有受想行識復次佛譬喻欲令人
知五受衆虛誑如幻五受衆雖與幻無異佛欲令解故爲作譬喻衆生謂幻是虛誑五受衆雖有與幻無異是故須菩
提一心籌量知五衆與幻無異所以者何如幻人色誑肉眼能令生憂喜苦樂五受衆亦能誑慧眼令生貪欲瞋惱諸
煩惱等如幻因少許呪術物事語言爲本能現種種事城郭廬觀等五受衆亦以先世少許無明術因緣有諸行識名
色等種種以是故說不異如人見幻事生著心廢其生業幻滅時生悔五受衆亦如是先業因緣幻生今五衆受五欲
生貪瞋無常壞時心乃生悔我云何著是幻五衆失諸法實相佛問須菩提樂說門故答言幻與色不異若不異是色
法即是空入不生不滅法中法若不生不滅云何行般若波羅蜜得作佛須菩提作是念若爾者菩薩何以故種種行
道求阿耨多羅三藐三菩提佛知其念即答五衆虛誑但以假名故號爲菩薩是假名中無業無業因緣無心無心數

無我空無相無作寂滅離亦不可得。受想行識亦如是。是名菩薩摩訶薩。尸羅波羅蜜。復次須菩提。菩薩摩訶薩行般若波羅蜜。是諸法無常相。乃至離想。忍欲樂。是名菩薩摩訶薩。摩提波羅蜜。復次須菩提。菩薩摩訶薩行般若波羅蜜。應薩婆若心。觀色無常相。亦不可得。乃至離相。亦不可得。受想行識亦如是。應薩婆若心。不捨不息。是名菩薩摩訶薩。毗梨耶波羅蜜。復次須菩提。菩薩摩訶薩行般若波羅蜜。不起聲聞辟支佛意。及餘不善心。是名菩薩摩訶薩。禪波羅蜜。復次須菩提。菩薩摩訶薩行般若波羅蜜。如是思惟。不以空色。故色空。色空即是空空。即是色。受想行識亦如是不以空眼。故眼空。眼即是空空。即是眼。乃至意觸。因緣生受。不以空受。故受空。受即是空空。即是受。不以空四念處。故四念處空。四念處即是空。空即是四念處。乃至不以空十八不共法。故十八不共法。空十八不共法。即是空。空即是十八不共法。如是須菩提。菩薩摩訶薩行般若波羅蜜。不驚不畏。不怖。佛告須菩提。菩薩摩訶薩善知識者。說色無常。亦不可得。持是善根。不向聲聞辟支佛道。但向一切智。是名菩薩摩訶薩。善知識。須菩提。菩薩摩訶薩復有善知識。說色苦。亦不可得。說受想行識苦。亦不可得。說色無我。亦不可得。說受想行識無我。亦不可得。說色空。無相。無作。寂滅。離亦不可得。受想行識空。無相。無作。寂滅。離亦不可得。持是善根。不向聲聞辟支佛道。但向一切智。須菩提。是名菩薩摩訶薩。善知識。須菩提。菩薩摩訶薩復有善知識。說修四念處法。乃至離亦不可得。持是善根。不向聲聞辟支佛道。但向一切智。須菩提。是名菩薩摩訶薩。善知識。乃至說修十八不共法。修一切智。亦不可得。持是善根。不向聲聞辟支佛道。但向一切智。是名菩薩摩訶薩。善知識。問曰。須菩提。何以生此疑問。佛言。新發意菩薩。聞是將無恐怖。答曰。聞無有菩薩行般若波羅蜜者。但空五衆法。亦不能行般若波羅蜜。以是故生疑。誰當行般若波羅蜜。是故問佛。佛言。若菩薩內外因緣。不具足。當有恐怖。內因緣者。無正憶念。無利智慧。於衆生中。無深悲心。內無如是等方便。外因緣者。不生中國土。不得聞般若波羅蜜。不得善知識。能斷疑者。無如是等外因緣。內外因緣不和合。故生驚怖。畏今須

菩提問是方便。佛答一切種智相應心觀諸法亦不得諸法。問曰。方便有觀色無常等種種相故不怖畏。今何以但說薩婆若相應心觀諸法故不怖畏。答曰。菩薩先來但觀諸法。空。心。蟲。故生著。今憶想分別觀如佛意於衆生中起大度衆生令離顛倒。以是故心不著不見定實有一法。譬如藥師和合諸藥。冷病者與熱藥。於熱病中爲非藥。二施中法。施大故是名檀波羅蜜。五波羅蜜亦如是。隨義分別。復次菩薩方便者。非十八空故。令色。空。何以故。不以是空相強令空。故色即是空。是色從本已來常自空。色相空故。空即是色。乃至衆佛法亦如是。善知識者。教人令以是智慧迴向阿耨多羅三藐三菩提。菩薩先知無常空等諸觀。今惟說迴向爲異。

經須菩提白佛言。世尊。云何菩薩摩訶薩行般若波羅蜜無方便。隨惡知識聞說是般若波羅蜜驚怖畏。佛告須菩提。菩薩摩訶薩離一切智心修般若波羅蜜。得是般若波羅蜜。念是般若波羅蜜。禪波羅蜜。毗梨耶波羅蜜。羼提波羅蜜。尸羅波羅蜜。檀波羅蜜。皆得皆念。復次須菩提。菩薩摩訶薩離薩婆若心。觀色。內空。乃至無法有法。空。觀受。想。行。識。內空。乃至無法有法。空。觀眼。內空。乃至無法有法。空。乃至觀意。觸。因緣。生。受。內空。乃至無法有法。空。於諸法空有所念。有所得。復次須菩提。菩薩摩訶薩行般若波羅蜜。離薩婆若心。修四念處。亦念。得。乃至修十八不共法。亦念。得。如是須菩提。菩薩摩訶薩行般若波羅蜜。以無方便故。聞是般若波羅蜜驚怖畏。須菩提白佛言。世尊。云何菩薩摩訶薩隨惡知識聞般若波羅蜜驚怖畏。佛告須菩提。菩薩摩訶薩惡知識。教離般若波羅蜜。離禪波羅蜜。毗梨耶波羅蜜。羼提波羅蜜。尸羅波羅蜜。檀波羅蜜。須菩提。是名菩薩摩訶薩惡知識。須菩提。菩薩摩訶薩復有惡知識。不說魔事。不說魔罪。不作是言。惡魔作佛形像。來教菩薩離六波羅蜜。語菩薩言。善男子。用修般若波羅蜜。爲用修禪波羅蜜。毗梨耶波羅蜜。羼提波羅蜜。尸羅波羅蜜。檀波羅蜜。爲當知是菩薩摩訶薩惡知識。復次須菩提。惡魔復作佛形像。到菩薩所。爲說聲聞經。若修妬路。乃至優波提舍。教詔分別演說。如是經終。不爲說魔事。魔罪。當知是菩薩摩訶薩惡知識。復次須菩提。惡魔作佛形像。到菩薩所作。是語善男子。汝無真菩薩心。亦非阿毗跋致地。汝亦不能得阿耨多羅三藐三菩提。不爲說如是魔事。魔罪。當知是菩薩惡知識。復次須菩提。惡魔作佛形像。到菩薩所。語菩薩言。善男子。色。空。無我。無我。

所受想行識空無我無我所。眼空無我無我所。乃至意觸因緣生受空無我無我所。檀波羅蜜空。乃至般若波羅蜜空。四念處空。乃至十八不共法空。汝用阿耨多羅三藐三菩提爲如是魔事。魔罪不說不教。當知是菩薩惡知識。復次須菩提。惡魔作辟支佛身。到菩薩所。語菩薩言。善男子。十方皆空。是中無佛。無菩薩。無聲聞。如是魔事。魔罪不說不教。當知是菩薩摩訶薩。惡知識。復次須菩提。惡魔作和尚阿闍梨身。到菩薩所。教離菩薩道。教離一切種智。教離四念處。乃至八聖道。分教離檀波羅蜜。乃至教離十八不共法。教入空。無相。無作。是言。善男子。汝修念是諸法。得聲聞證。用阿耨多羅三藐三菩提爲如是魔事。魔罪不說不教。當知是菩薩惡知識。復次須菩提。惡魔作父母形像。到菩薩所。語菩薩言。子。汝爲須陀洹果證。故勤精進。乃至阿羅漢果證。故勤精進。汝用阿耨多羅三藐三菩提爲求阿耨多羅三藐三菩提。當受無量阿僧祇劫生死。截手截脚。受諸苦痛。如是魔事。魔罪不說不教。當知是菩薩惡知識。復次須菩提。惡魔作比丘形像。到菩薩所。語菩薩言。眼無常可得法。乃至意無常可得法。眼苦。眼無我。眼空。無相。無作。寂滅。離說可得法。乃至意亦如是。用有所得法說四念處。乃至用有所得法說佛十八不共法。須菩提。如是魔事。魔罪不說不教。當知是菩薩惡知識。知已當遠離之。圖釋曰。先略說無方便。今欲廣說無方便。所謂離一切種智。相應心行。般若波羅蜜。取是般若波羅蜜。定相。五波羅蜜。乃至諸佛法。亦如是。是自無方便。又得惡知識。教復次惡知識。大失利益。種種壞人。是大惡因緣。故佛更種種因緣。說惡知識。相惡知識者。教人遠離六波羅蜜。或不信罪福報。故教遠離。或著般若波羅蜜。故言諸法畢竟空。汝何所行。或讚歎小乘。汝但自免老病死苦。衆生何豫汝事。如是等種種因緣。教令遠離。是名惡知識。復次惡知識者。不教弟子令覺知魔是佛賊。魔者欲界主。有大力勢。常憎行道者。佛威力大。故魔無所能。但能壞小菩薩。乃至作佛形像來壞菩薩行。六波羅蜜。或讚歎開解。論說隨聲聞所應學經法。或作佛身來語之言。汝不任得佛。或說眼等一切諸法空。何用是阿耨多羅三藐三菩提爲。或作辟支佛身。或說十方世界中三乘人空。求佛道者。但有空名。汝云何欲作佛。或教令遠離菩薩三十七品。令人聲聞三解脫門中。汝入是三門實際。作證得盡衆苦。汝勤精進。汝爲得四果。故何用阿耨多羅三藐三菩提爲。或作和尚阿闍梨父母來教令遠離佛道。空當受是截手脚耳鼻等。以與求者。若不與則破求佛意。若與則受是辛苦。或時作阿羅漢比丘被服來爲說。眼是定。無常相。苦空無我相。無作。

寂滅離。乃至諸佛法亦如是。用有所得。取相憶念分別說。如是等種種無量魔事。不教令覺知。是爲惡知識。遠離者。以其無利益。如輓語賊轉來親近。近則害人。惡知識復過於此。所以者何。是賊但能害今世一身。惡知識則世世害人。賊但能害命奪財。惡知識則害慧念命根。奪佛法無量寶。知已急當身心遠離。

圖爾時須菩提白佛言世尊云何爲菩薩句義。佛告須菩提無句義是菩薩句義何以故阿耨多羅三藐三菩提中無有義處亦無我。以是故無句義是菩薩句義。須菩提譬如鳥飛虛空無有足跡。菩薩句義無所有亦如是。須菩提譬如夢中所見無處所。菩薩句義無所有亦如是。須菩提譬如幻無有實義如焰如響如影如佛所化無有實義。菩薩句義無所有亦如是。須菩提譬如法性法相法位實際無有義。菩薩句義無所有亦如是。須菩提譬如幻人色無有義。幻人受想行識無有義。菩薩摩訶薩行般若波羅蜜時。菩薩句義無所有亦如是。須菩提如幻人眼無有義乃至意無有義。須菩提如幻人色無有義乃至法無有義。眼觸乃至意觸因緣生受無有義。菩薩摩訶薩行般若波羅蜜時。菩薩句義無所有亦如是。須菩提如幻人行內空時無有義乃至行無法有法空無有義。菩薩摩訶薩行般若波羅蜜時。菩薩句義無所有亦如是。須菩提如幻人行四念處乃至十八不共法無有義。菩薩摩訶薩行般若波羅蜜時。菩薩句義無所有亦如是。須菩提如多陀阿伽度阿羅訶三藐三佛陀色無有義是色無有故。菩薩摩訶薩行般若波羅蜜時。菩薩句義無所有亦如是。須菩提如多陀阿伽度阿羅訶三藐三佛陀受想行識無有義是識無有故。菩薩摩訶薩行般若波羅蜜時。菩薩句義無所有亦如是。須菩提如佛眼無處所乃至意無處所色乃至法無處所眼觸乃至意觸因緣生受無處所。菩薩摩訶薩行般若波羅蜜時。菩薩句義無所有亦如是。須菩提如佛內空無處所乃至無法有法空無處所。所著薩摩訶薩行般若波羅蜜時。菩薩句義無所有亦如是。須菩提如佛四念處無處所乃至十八不共法無處所。菩薩摩訶薩行般若波羅蜜時。菩薩句義無所有亦如是。須菩提如有爲性中無無爲性義無爲性中無有爲性義。菩薩摩訶薩行般若波羅蜜時。菩薩句義無所有亦如是。須菩提如不生不滅義無處所。菩薩摩訶薩行般若波羅蜜時。菩薩句義無所有亦如是。須菩提如不作不得不得不垢不淨無處所。菩薩句義無所有亦如是。須菩提白佛言何法不

生不滅故無處所。何法不作。出不得。不垢不淨。故無處所。佛告須菩提。色不生不滅。故無處所。受想行識。不生不滅。故無處所。乃至不垢不淨。亦如是。入界不生不滅。故無處所。乃至不垢不淨。亦如是。四念處不生不滅。故無處所。乃至不垢不淨。亦如是。乃至十八不共法。不生不滅。故無處所。乃至不垢不淨。亦如是。須菩提。菩薩摩訶薩。行般若波羅蜜時。菩薩句義。無所有。亦如是。須菩提。譬如四正勤。乃至十八不共法。淨義畢竟不可得。須菩提。菩薩摩訶薩。行般若波羅蜜時。菩薩句義。無所有。亦如是。須菩提。譬如淨中。我不可得。我無所有。故乃至淨中。知者見者。不可得。知見無所有。故須菩提。菩薩摩訶薩。行般若波羅蜜時。菩薩句義。無所有。亦如是。須菩提。譬如劫燒時。無一切物。菩薩摩訶薩。行般若波羅蜜時。菩薩句義。無所有。亦如是。須菩提。佛戒中。無破戒。須菩提。菩薩摩訶薩。行般若波羅蜜時。菩薩句義。無所有。亦如是。須菩提。佛戒中。無解脫。中無不解脫。解脫。知見中。無不解脫。知見。須菩提。菩薩摩訶薩。行般若波羅蜜時。菩薩句義。無所有。亦如是。須菩提。譬如佛光。中日月光。不現。佛光中。四天王。三十三天。夜摩天。兜率陀天。化樂天。他化自在天。梵衆天。乃至阿迦尼吒天。光不現。須菩提。菩薩摩訶薩。行般若波羅蜜時。菩薩句義。無所有。亦如是。故是阿耨多羅三藐三菩提。菩薩亦應當知。論問曰。上來佛與須菩提。種種因緣。破菩薩字。今何以問菩薩句義。答曰。須菩提。破菩薩字。佛不破。言菩薩字。從本已來。畢竟空。但五衆中。數假名菩薩。而衆生以假名爲實。佛言假名無實。但從諸法數和合爲名。復次。諸佛法。無量無邊。不可思議。須菩提。因菩薩字。空說般若波羅蜜。相今欲聞。佛說菩薩字義。因是說般若波羅蜜。復次。應問因緣。無量無邊。所謂佛音聲。有六十種莊嚴。能令諸天專聽。何況人。但音聲令人樂聞。何況說大利益義。須菩提。從佛聞是事。未發意人。當發阿耨多羅三藐三菩提。發意者。未行六波羅蜜。當令行者。不清淨。當令清淨。清淨行者。當令住阿鞞跋致地。成就衆生具足佛法。乃至一生補處。如是等種種無量。因緣利益。故佛以須菩提爲問主。語一切十方世界。在會衆生。佛告須菩提。無句義。是菩薩句義。阿耨多羅三藐三菩提。無處所。亦無我無名。於是中。無依止處。卽是

法空。無我名者。無得道者。佛謂須菩提。若汝知無我。無我所得。阿羅漢者。菩薩亦如是。於阿耨多羅三藐三菩提中。無我。無我所。譬如鳥飛虛空。無有足跡。菩薩句義亦如是。行諸法虛空中。無依止著處。以是故言。無菩薩句義。問曰。何等是菩薩句義。答曰。天竺語法。衆字和合成語。衆語和合成句。如菩薩爲一字。提爲一字。是二不合。則無語。若和合名爲菩提。秦言無上智慧。薩埵或名衆生。或是大心。爲無上智慧。故出大心名爲菩提。薩埵願欲令衆生行無上道。是名菩提。薩埵復次。此品佛及佛弟子種種因緣說菩薩摩訶薩義。菩提一語。薩埵一語。二語和合故名爲義。若說名字語句。皆同一事。無所在。今須菩提問。以何定相法爲菩薩句義。天竺言波陀。秦言句。是波陀有種種義。如後譬喻中說。問曰。但以鳥飛虛空。足明句義。何以種種廣說。答曰。衆生聽受種種不同。有好義者。有好譬喻者。譬喻可以解義。因譬喻心。則樂著。如人從生端政。加以嚴飾。益其光榮。此譬喻中。多以譬喻明義。如後所說。所謂如夢如影如響。如佛所化。是事虛誑。如先說菩薩義亦如是。但可耳聞。虛誑無實。以是故菩薩不應自高。如法性法相實際等句。無有定義。如幻人無五衆。乃至諸佛法。如佛無五衆。乃至一切法。如有爲法中。無無爲法。如無爲法中。無有爲法。無爲法不生不滅。等諸法中。無不生不滅。相亦無異。相如三十七品。無清淨相。何以故。有人著是三十七品法。卽是結使。如我乃至知者見者。淨相不可得。問曰。我乃至知者見者等云何。淨。答曰。種種求覓我相不可得。是名我淨。第一義中。無淨無不淨。譬如洗臭死狗。乃至皮毛血肉骨髓都盡。是時非狗非豬。不得言淨。不得言不淨。我乃至知者見者亦如是。以無我空智慧求我相不可得。是時非有我非無我。如日出無闇。劫盡時無一切物。如佛五衆戒中。破戒不可得。如日月星宿真珠等諸天鬼神龍王光於佛光中。則不現。從大福德神通力生。故菩薩句義亦如是。入是般若波羅蜜智慧光中。則不現。因是譬喻。教諸菩薩當學一切法。不取相。無所得故。

須菩提白佛言。世尊何等是一切法。云何一切法中。無礙相應。學應知。佛告須菩提。一切法者。善法不善法。記法無記法。世間法出世間法。有漏法無漏法。有爲法無爲法。共法不共法。須菩提。是名爲一切法。菩薩摩訶薩是一切法無礙相中。應學應知。須菩提白佛言。世尊何等名世間善法。佛告須菩提。世間善法者。孝順父母。供養沙門婆羅門。敬事尊長。布施福處。持戒福處。修定福處。勸導福事。方便生福德。世間十善道。九相。脹相。血相。壞相。膿爛相。青相。噉相。散相。

骨相燒相。四禪四無量心。四無色定。念佛念法。念僧念戒。念捨念天。念善念安。般念身念死。是名世間善法。何等不善法。奪他命。不與取。邪淫。妄語。兩舌。惡口。非時語。貪欲。惱害。邪見。是十不善道等。是名不善法。何等記法。若善法。若不善法。是名記法。何等無記法。無記身業。口業。意業。無記四大。無記五衆。十二入十八界。無記報。是名無記法。何等名世間法。世間法者。五衆。十二入十八界。十善道。四禪四無量心。四無色定。是名世間法。何等名出世間法。四念處。四正勤。四如意足。五根。五力。七覺分。八聖道分。空解脫門。無相解脫門。無作解脫門。三無漏根。未知欲知根。知根。知已根。三三昧。有覺有觀。三昧無覺有觀。三昧無覺無觀。三昧明解脫。念慧正憶八背捨。何等八色觀。色是初背捨。內無色相。外觀色。是二背捨。淨背捨。身作證。是三背捨。過一切色相。故滅有對相。故一切異相不念。故入無邊虛空處。是四背捨。過一切無邊虛空處。入一切無邊識處。是五背捨。過一切無邊識處。入無所有處。是六背捨。過一切無所有處。入非有想非無想處。是七背捨。過一切非有想非無想處。入滅受想定。是八背捨。九次第定。何等九離欲離惡不善法。有覺有觀。離生喜樂。入初禪。滅諸覺觀。內清淨。故一心無覺無觀。定生喜樂。入第二禪。離喜。故行捨受。身樂。聖人能說。能捨念行樂。入第三禪。斷苦樂。故先滅憂喜。故不苦不樂。捨念淨入第四禪。過一切色相。故滅有對相。故一切異相不念。故入無邊虛空處。過一切無邊虛空處。入一切無邊識處。過一切無邊識處。入無所有處。過一切無所有處。入非有想非無想處。過一切非有想非無想處。入滅受想定。復有出世間法。內空。乃至無法有法。空。佛十力。四無所畏。四無礙智。十八不共法。一切智。是名出世間法。何等爲有漏法。五受衆。十二入十八界。六種六觸。六受。四禪乃至四無色定。是名有漏法。何等爲無漏法。四念處。乃至十八不共法。及一切種智。是名無漏法。何等爲有爲法。若法生住滅。欲界色界無色界五衆。乃至意觸因緣生受。四念處。乃至十八不共法。及一切智。是名有爲法。何等爲無爲法。不生不住不滅。若染盡。瞋盡。癡盡。如不異法。相法性法住實際。是名無爲法。何等爲共法。四禪四無量心。四無色定。如是等。是名共法。何等爲不共法。四念處。乃至十八不共法。是名不共法。菩薩摩訶薩。於是自相空法中。不應著不動。故菩薩亦應知一切法不二相。不動。故是名菩薩義。問曰。須菩提。何以故。先問世間善法。後問出世間法。答曰。先問世間善法。後問出世間法。則能知出世間相。世間善法者。知有罪有福。果報有今世後世。有世間有涅槃。有佛等諸賢聖。今世後世及諸法實相證。所

謂孝順父母等。乃至十念如法得物。供養供給沙門婆羅門。沙門名爲出家求道人。婆羅門名爲在家學問人。是二人於世間難爲能爲。利益衆生。故應當供養。尊長者叔伯弟兄等。恭敬供養。是一切修家法。布施持戒。修定勸導。如初品中說。方便生福德。如懺悔。隨喜。請佛久住。不涅槃。轉法輪。如雖行空。不著空。還修行諸善。如是等方便。生諸福德。十善道。乃至四無色。如先說。十念中八事。如先說。善念者。思惟分別善業。因緣制伏其心。復次涅槃。是真善法。常繫心念。涅槃。是善念。身念。即是身念處。與善法相違。是名不善法。無記法者。所謂威儀。心工巧心。變化心。及是起身業口業。除善不善五衆。餘五衆及虛空。非數緣滅等。世間法者。五衆或善或不善。或無記。十二入。八無記。四三種。十八界。八無記。十三種。十善道。四禪。四無量心。四無色定。是善法。凡夫人能得成就。故又自不能出世間。故名爲世間法。出世間法者。三十七品。三解脱門。三無漏根。三三昧。如先說明。解脫明者。三明。解脫者。有爲解脫。無爲解脫。念者。十念。慧者。十一智。慧。正憶者。隨諸法實相觀。如隨身法觀。一切善法之本。復次八背捨。九次第定。十八空。十力。四無所畏。十八不共法。如先義中廣說。是四念處等。一心爲道。故又八背捨。九次第定等。凡夫人所不得。名爲出世間。念。慧。正憶。雖有二種。世間出世間。此中說出世間有漏法者。五衆等。四禪。四無量。四無色定。無漏法者。非世間。是四念處。乃至十八不共法。有爲法略說。三相。所謂生住滅。三界繫。乃至四念處。乃至十八不共法。雖爲無爲法。以作法故。是爲有爲法。與有爲相違。是爲無爲法。復次滅三毒等諸煩惱。五衆等。不次第相續。如法相法性。法住實際等。是名無爲法。問曰。色。如色。不離。如如。不離。色。色。是有爲。云何是無爲。答曰。色有二種。一者。凡夫肉眼憶想分別。色。二者。聖人心所知。色。實相如涅槃。凡夫人所知。色。名爲色。是色入如中。更不生不滅。如有爲。雖是五衆。而有種種名字。所謂十二入。十八界。因緣等。無爲法。雖有三種。亦種種分別名字。所謂如法相法。住實際等。共法者。凡夫聖人生處入定處。共故名爲共法。不共法者。四念處。乃至十八不共法。菩薩分別知此諸法。各各相。是法皆從因緣和合。生故。無性。無性。故自性空。菩薩住。是無障礙法。中不動。以不二入法門。入一切法不動故。

大智度論卷第四十四